

შპს მარნეულის სამედიცინო კოლეჯი

დამტკიცებულია დირექტორის 2019 წლის 24 ივნისის N9 ბრძანებით დანართი N2

შპს „მარნეულის სამედიცინო კოლეჯის“ ეთიკის კოდექსი და დისციპლინარული პასუხისმგებლობის ნორმები

თავი I. ზოგადი დებულებანი

მუხლი 1. შესავალი დებულებანი

1. შპს „მარნეულის სამედიცინო კოლეჯის“ (შემდგომში - კოლეჯი) წარმოადგენს პროფესიულ საგანმანათლებლო დაწესებულებას, რომელშიც სტუდენტების, მასწავლებლებისა და ადმინისტრაციული პერსონალის თანამშრომლობით იქმნება პროფესიული განათლებისა ერთიანი სივრცე. ერთიანი სივრცე ემყარება სამ პრინციპს:

- ა) აკადემიურ თავისუფლებას;
- ბ) სინდისის თავისუფლებას;
- გ) არჩევანის თავისუფლებას.

2. კოლეჯი თავისი არსით მნიშვნელოვან როლს ასრულებს დემოკრატიული და ღია საზოგადოების ჩამოყალიბებაში, რისთვისაც საჭიროა ეთიკური ნორმების დაცვა.

3. ეთიკის კოდექსი (შემდგომში - კოდექსი) წარმოადგენს კოლეჯის თანამშრომლებისა და სტუდენტების ეთიკური პრინციპების, ღირებულებებისა და ქცევის ფორმულირებას.

4. კოდექსი მიზნად ისახავს დაეხმაროს კოლეჯის თანამშრომლებსა და სტუდენტებს იმ ეთიკური საკითხების გადაჭრასა და დადგენაში, რომლებიც შეიძლება წამოიჭრას მათი მუშაობისა თუ სწავლის პერიოდში. აღნიშნული სისტემა მიმართულია ასევე კოლეგებთან, სტუდენტებთან, კოლეჯთან და ეროვნულ თუ საერთაშორისო გაერთიანებებთან ურთიერთობების დარეგულირებისაკენ.

მუხლი 2. სამართლებრივი საფუძვლები

ამ კოდექსის სამართლებრივი საფუძველია საქართველოს კონსტიტუცია, „პროფესიული განათლების შესახებ“ საქართველოს კანონი, სხვა ნორმატიული აქტები და კოლეჯის დებულება და შინაგანაწესი.

მუხლი 3. კოდექსის მოქმედების სფერო

1. ეს კოდექსი ვრცელდება კოლეჯის პროფესიულ სტუდენტებზე და თანამშრომლებზე და აწესრიგებს მათი ქცევის წესებს კოლეჯის სწავლის და მოღვაწეობის მთელი პერიოდისათვის.

2. ამ კოდექსის მიზნებისათვის სტუდენტად მიიჩნევა:

- ა) პირი, რომელიც „პროფესიული განათლების შესახებ“ საქართველოს კანონით, სხვა ნორმატიული აქტების და კოლეჯის მიერ განსაზღვრული წესით სწავლობს კოლეჯში პროფესიული საგანმანათლებლო პროგრამის გასავლელად.
- ბ) პირი, რომელიც სწავლობს კოლეჯის უწყვეტი განათლების ცენტრში (ამ მუხლის მე-2 პუნქტის „ა“ ქვეპუნქტით გათვალისწინებული პირების გარდა), სადაც სწავლის დასრულების შემდეგ გათვალისწინებულია შესაბამისი სერთიფიკატის გაცემა;
- გ) პირი, რომელიც კოლეჯში გადის ტრენინგს.

თავი II. პროფესიულ სტუდენტთა ეთიკის ნორმები

მუხლი 4. კოდექსის ძირითადი პრინციპები

1. კოლეჯის ყველა სტუდენტი თანაბრად სარგებლობს საქართველოს კანონმდებლობითა და კოლეჯის საქმიანობის მარეგულირებელი დოკუმენტებით განსაზღვრული მისთვის მინიჭებული უფლებებით.

2. სტუდენტი იზიარებს კოლეჯის ეთიკის კოდექსით გათვალისწინებულ ღირებულებებს და იცავს ამ კოდექსით დადგენილ ნორმებს.

3. სტუდენტი აღიარებს კოლეჯის უფლებას, ამ კოდექსის დარღვევის შემთხვევაში, განიხილოს მისი დისციპლინური პასუხისმგებლობის საკითხი და ამასთან, იღებს ვალდებულებას, შეასრულოს ამ საკითხთან დაკავშირებით მიღებული გადაწყვეტილება.

მუხლი 5. სტუდენტთა ეთიკის წესები

ეს კოდექსი სტუდენტისათვის ადგენს ქცევის საერთო და სასწავლო პროცესთან დაკავშირებულ წესებს.

მუხლი 6. სტუდენტთა ეთიკის საერთო წესები

1. სტუდენტისთვის შეუფერებელ და არაეთიკურ ქცევად ჩაითვლება:

- ა) სასწავლო პროცესის მიმდინარეობისათვის ხელის შეშლა (ლექციაზე ხმაური, მობილური ტელეფონით სარგებლობა, დერეფანში აურზაური და სხვა);

შპს მარნეულის სამედიცინო კოლეჯი

- ბ) მოწვევა საამისოდ ნებადართული ტერიტორიის ფარგლებს გარეთ;
 - გ) ალკოჰოლური სასმელების კოლეჯის შენობაში შემოტანა, გავრცელება ან/და გამოყენება;
 - დ) კოლეჯის ტერიტორიაზე აზარტული თამაშები;
 - ე) ინვენტარით სარგებლობის წესის დარღვევა (მერხებზე წარწერების გაკეთება, კომპიუტერების, ლაბორატორიული მოწყობილობების, სასწავლო ავეჯისა და ინვენტარის დაზიანება);
 - ვ) კოლეჯის ტერიტორიის დანაგვიანება და იერსახის დამახინჯება/დაზიანება;
 - ზ) ბილწისიტყვაობა.
- თ) ნარკოტიკული ან/და ფსიქოტროპული საშუალებების კოლეჯის შენობაში შემოტანა, გავრცელება ან/და გამოყენება;
- ი) ისეთი ფეთქებადი და აალებადი ნივთებისა და ნივთიერებების კოლეჯის შენობაში შემოტანა ან/და გავრცელება, რომლებიც ხანძრის ან/და აფეთქების რეალურ საფრთხეს ქმნიან;
- კ) ძალადობა, ფიზიკური ან/და სიტყვიერი შეურაცხყოფის მიყენება სხვა სტუდენტების ან თანამშრომლებისათვის.
2. კოლეჯის პროფესიული სტუდენტი ვალდებულია, არ დაიგვიანოს ლექციებსა და სხვა სახის სასწავლო ღონისძიებებზე.
3. კოლეჯის ყველა სტუდენტი ვალდებულია თან იქონიოს სტუდენტის ბილეთი ან პირადობის დამადასტურებელი მოწმობა კოლეჯის ტერიტორიაზე.
- მუხლი 7. სასწავლო პროცესთან დაკავშირებული წესები
1. სტუდენტისთვის შეუფერებელ და არაეთიკურ ქცევად ჩაითვლება შემდეგი აკადემიური სიყალბე:
- ა) გადაწერა სხვა სტუდენტის ნამუშევრიდან, ან გამოყენება სხვა სახის დამხმარე მასალისა (ე.წ. „შპარგალკა“);
 - ბ) სხვა პირის ნამუშევრის, როგორც საკუთარის წარმოჩენა.
 - გ) ხელის შეშლა სხვა სტუდენტებისათვის სწავლის პროცესში საჭირო რესურსების დამალვით, მოპარვით ან განადგურებით;
 - დ) სხვა სტუდენტისათვის აკადემიური სიყალბის ჩადენაში ხელის შეწყობა;
 - ე) ინდივიდუალური დავალების ჯგუფურად მომზადება ან ერთი პირის მიერ მომზადებული დავალების ჯგუფურ ნამუშევრად წარმოჩენა;
 - ვ) სხვა სტუდენტის ნაცვლად გამოცდის ჩაბარება, ან სხვა პირის შეგზავნა გამოცდის ჩასაბარებლად;
 - ზ) გამოცდის შესახებ კონფიდენციალური ინფორმაციის მოპოვება ან/და გავრცელება;
 - თ) სხვა სტუდენტის ნამუშევრის მოპარვა, განადგურება, შეცვლა;
 - ი) კოლეჯში მონაცემების გაყალბება;
 - კ) შეფასების მიღების მცდელობა გამოცდელზე მუქარით, ფიზიკური ან ფსიქოლოგიური ზემოქმედებით, მოტყუებით, თაღლითობითა თუ სხვა დაუშვებელი ხერხებითა და ქმედებით.
- მუხლი 8. დისციპლინური ღონისძიებების გატარების საკითხის აღძვრისათვის უფლებამოსილი პირი ეთიკის საერთო და სასწავლო პროცესთან დაკავშირებული წესების დარღვევის ფაქტებზე სტუდენტის მიმართ დისციპლინური ღონისძიებების გატარების საკითხის აღძვრა შეუძლია კოლეჯის ნებისმიერ თანამშრომელს.
- მუხლი 9. დისციპლინური პასუხისმგებლობის ზომების შესაძლო სანქციები
1. ეთიკის საერთო და სასწავლო პროცესთან დაკავშირებული წესების დაღვევისათვის:
- ა) სტუდენტს შეიძლება მიეცეს ზეპირი გაფრთხილება;
 - ბ) სტუდენტმა შეიძლება მიეცეს წერილობითი გაფრთხილება პირად საქმეში შეტანით;
 - გ) სტუდენტს შეიძლება შეუწყდეს სტატუსი.
2. სტუდენტის მიერ საქართველოს კანონმდებლობის მიხედვით გათვალისწინებული დასჯადი ქმედების ჩადენისას, კოლეჯი დაუყოვნებლივ მიმართავს პოლიციას.
- მუხლი 10. დისციპლინური კომისია
1. იმის გადასაწყვეტად, თუ რა სანქცია შეიძლება შეეფარდოს ამ კოდექსით გათვალისწინებული წესების დამრღვევ სტუდენტს, იქმნება დისციპლინური კომისია.
2. დისციპლინური კომისია იქმნება კოლეჯში დირექტორის ბრძანებით;
3. დისციპლინური კომისიის წევრთა რაოდენობა არის კენტი და შედგება არანაკლებ 5 და არა უმეტეს 7 წევრისაგან.
4. დისციპლინურ კომისიაში შედიან:
- ა) დირექტორის მოადგილე;
 - ბ) ერთ-ერთი სტუდენტი;
 - გ) სხვა წევრები.

შპს მარნეულის სამედიცინო კოლეჯი

5. ეთიკის კოდექსის დარღვევების განხილვა მიმდინარეობს კომისიის სხდომებზე. სხდომა უფლებამოსილია, თუკი სხდომას ესწრება წევრების ნახევარი მაინც.
6. დისციპლინურ კომისიაზე სტუდენტს უნდა მიეცეს შესაძლებლობა წარმოადგინოს საკუთარი ახსნა-განმარტება.
7. გადაწყვეტილება მიიღება სხდომაზე დამსწრეთა უბრალო უმრავლესობით.
8. დისციპლინური კომისია საკუთარი გადაწყვეტილების შესახებ აცნობებს დირექტორს.

მუხლი 11. დირექტორი

1. დირექტორს გამოაქვს გადაწყვეტილება, იმის შესახებ, თუ რა სანქცია შეიძლება შეეფარდოს ამ კოდექსის დამრღვევ სტუდენტს.
2. საკითხის განხილვისას სტუდენტს უნდა მიეცეს შესაძლებლობა წარმოადგინოს საკუთარი ახსნა-განმარტება. სტუდენტის წერილობითი მოთხოვნის შემთხვევაში საკითხი განხილულ უნდა იქნეს საჯარო სხდომაზე.
3. განხილვის შედეგად დირექტორი იღებს საბოლოო გადაწყვეტილებას სტუდენტისათვის დისციპლინური პასუხისმგებლობის დაკისრების შესახებ.
4. დისციპლინური კომისიის გადაწყვეტილების არ მიღების შემთხვევაში დირექტორმა უნდა მიმართოს დისციპლინარულ კომისიას საქმის თავიდან განხილვის შესახებ.
5. გადაწყვეტილება დისციპლინური პასუხისმგებლობის დაკისრების შესახებ შედის სტუდენტის პირად საქმეში.

თავი III. პროფესიული მასწავლებლებისა და ადმინისტრაციაში დასაქმებული თანამშრომლების ეთიკის ნორმები

მუხლი 12. პროფესიული მასწავლებლების ეთიკის ნორმები

1. პროფესიული მასწავლებლები კოლეჯის ძირითადი საქმიანობის წარმმართველი ძალაა. ისინი ვალდებული არიან სისტემატურად იღვწოდნენ პედაგოგიური და პროფესიული დონის ასამაღლებლად. ამასთან, მათ ეკისრებათ მოვალეობა მიიღონ აქტიური მონაწილეობა კოლეჯის საზოგადოებრივ თუ საორგანიზაციო საქმიანობაში.
2. პროფესიულმა მასწავლებლებმა სწავლების პროცესი უნდა წარმართონ კოლეჯის პროფესიული საგანმანათლებლო პროგრამების შესაბამისად.
3. პროფესიულმა მასწავლებლებმა არ უნდა დააგვიანონ ლექციაზე/პრაქტიკულ მეცადინეობაზე, მეცადინეობა არ უნდა დასრულდეს დროზე ადრე; არ უნდა გააცდინონ ლექცია საპატიო მიზეზის გარეშე.
4. პროფესიულმა მასწავლებელმა უნდა უზრუნველყონ ობიექტური და გამჭვირვალე შეფასება, დაუშვებელია სტუდენტების განსხვავება.
5. პროფესიულ მასწავლებლებს ევალებათ კოლეჯის სოციალურ და სასწავლო ღონისძიებებში მონაწილეობის მიღება.
6. ნებისმიერი სახის კომუნიკაცია პრესასთან ან მედია ორგანოებთან კოლეჯის სახელით წინასწარ უნდა იქნეს შეთანხმებული კოლეჯის უფლებამოსილ პირებთან.
7. კოლეჯში მუშაობის დროს, პერსონალმა უნდა დაიცვას კოლეჯის სახელი და რეპუტაცია როგორც სამსახურში ყოფნის დროს, ისე მის გარეთ.
8. კოლეჯთან შრომითი ურთიერთობის გაწყვეტის შემთხვევაში, პროფესიული მასწავლებლები ვალდებული არიან კოლეჯის ოფიციალურ ორგანოს მიაწოდოს იმ მომხმარებლის სახელები და პაროლები რომელიც გამოიყენებოდა კოლეჯის ოფიციალურ ინფორმაციის პლატფორმაზე წვდომისთვის (სოციალური მედია, მონაცემთა ბაზა, კორპორატიული ელ-ფოსტა და ა.შ.).
9. პროფესიული მასწავლებლების არასათანადო საქციელმა შეიძლება გამოიწვიოს დისციპლინარული სანქციის დაკისრება.
10. პროფესიულმა მასწავლებლებმა თავი უნდა შეიკავონ კოლეჯის ფარგლებს გარეთ ისეთ საქმიანობაში ჩართვისა, თუ ვალდებულებების აღებისაგან, რაც ხელს შეუშლის მათი მოვალეობების სრულფასოვნად განხორციელებას.
11. პერსონალმა დანიშნულებისამებრ და ეფექტიანად უნდა გამოიყენონ კოლეჯის შენობა, ტექნიკა, აღჭურვილობა და სხვა რესურსები საქმიანობის სრულად განსახორციელებლად.
12. პროფესიული მასწავლებლები სამართლიანად და პატივისცემით უნდა მოეპყრონ კოლეჯის ყველა თანამშრომელსა და სტუდენტს.
13. პერსონალმა დროულად უნდა აცნობონ კოლეჯის ადმინისტრაციას კოლეჯში სამსახურის დატოვების შესახებ.

მუხლი 13. კოლეგებთან ურთიერთობა

შპს მარნეულის სამედიცინო კოლეჯი

1. პროფესიული მასწავლებლების მიერ ეთიკური ნორმების დარღვევისათვის დაწესებულია კოლეჯის შინაგანაწესით დადგენილი ზომები.
2. პროფესიულმა მასწავლებლებმა პატივი უნდა სცეს კოლეჯის აკადემიურ დამოუკიდებლობას, სამართლიანად და ობიექტურად უნდა შეაფასოს მისი საქმიანობა; კოლეჯის კრიტიკა უნდა იყოს კონსტრუქციული; არ უნდა გააკეთოს უხეში და მიუღებელი კომენტარები კოლეჯის სწავლების მეთოდებზე, დაუშვებელია კოლეჯის დამცირება, შეურაცხყოფა ან ანონიმურად დადანაშაულება.
3. პროფესიულმა მასწავლებლებმა თანაბრად და სამართლიანად უნდა გადაინაწილონ კოლეჯის მართვასთან დაკავშირებული მოვალეობები, აქტიური დახმარება უნდა გაუწიონ კოლეჯებს პროფესიული განვითარების საქმეში.

მუხლი 14. ადმინისტრაციის თანამშრომლებთან ურთიერთობა

1. პროფესიულ მასწავლებლებსა და ადმინისტრაციის თანამშრომლებს შორის უნდა არსებობდეს პატივისცემაზე და სამართლიანობაზე დაფუძნებული ურთიერთობა. რომელიმე მხრიდან დაუშვებელია დისკრიმინაცია.
2. პროფესიულმა მასწავლებლებმა არ უნდა გამოიყენონ ადმინისტრაციის თანამშრომლები საკუთარი გამორჩენის მიზნით, არ უნდა მოითხოვონ კანონით გაუთვალისწინებული შეღავათები და დათმობები, რაც ადმინისტრაციის თანამშრომლებს ეთიკური დილემის წინაშე დააყენებს.

მუხლი 15. ადმინისტრაციის თანამშრომლები

1. ადმინისტრაციის თანამშრომლების მოვალეობაა კოლეჯში შექმნან სასწავლო საქმიანობისა და პროფესიული განვითარებისთვის აუცილებელი მორალური, ფინანსურ-ეკონომიკური და საყოფაცხოვრებო გარემო.
2. ადმინისტრაციის თანამშრომლები პატივს უნდა სცემდნენ კოლეჯსა და მის ტრადიციებს, თანამშრომლებსა და სტუდენტებს უნდა მოეპყრონ სამართლიანად და პატივისცემით. ადმინისტრაციის თანამშრომლებმა უნდა შეიმუშაონ და განახორციელონ ისეთი პოლიტიკა, რომელიც გამორიცხავს თანამშრომლებისა და სტუდენტების დისკრიმინაციას სქესისა და ასაკის, რასობრივი, ეთნიკური, პოლიტიკური ან რელიგიური კუთვნილების საფუძველზე.
3. ადმინისტრაციის თანამშრომლების საქმიანობა უნდა ეფუძნებოდეს ეთიკის მაღალ სტანდარტებს, კეთილსინდისიერებას და პატიოსნებას; ხელს უწყობდეს საზოგადოებაში კოლეჯის სახელისა და ავტორიტეტის განმტკიცებას. ამ მიზნით, ადმინისტრაციის თანამშრომლები უნდა ემორჩილებოდნენ კოლეჯის მიერ დადგენილ წესებს, პროცედურებსა და არსებულ კანონმდებლობას.
4. ადმინისტრაციის თანამშრომლებმა, კოლეჯის საჭიროებისათვის, ეფექტიანად უნდა გამოიყენონ კოლეჯის ქონება, სამუშაო დრო, ინტელექტუალური შესაძლებლობები და სხვა რესურსები.
5. ადმინისტრაციის თანამშრომლებმა არ უნდა გაამჟღავნოს პროფესიული საქმიანობის დროს მიღებული კონფიდენციალური ინფორმაცია, გარდა ლეგიტიმური საჭიროებისა.
6. ადმინისტრაციის თანამშრომლების მიერ ეთიკური ნორმების დარღვევისათვის გათვალისწინებულია კოლეჯის შინაგანაწესით დადგენილი ზომები.

მუხლი 16. ეთიკის დარღვევის სახეობები

1. კოლეჯის პერსონალს ეკრძალება სხვისი ინტელექტუალური შრომის შედეგის ტექსტის, იდეის, კონცეფციის, ვიზუალური ან აუდიო მასალის, ნებისმიერი სახის მონაცემების მითვისება და გავრცელება ავტორის მიუთითებლად.
2. პერსონალს ეკრძალება მონაცემებისა და ინფორმაციის გაყალბება.
3. კოლეჯი ვალდებულია, მონიტორინგი გაუწიოს სასწავლო საქმიანობის ეთიკურობას და დროული რეაგირება მოახდინოს პერსონალის ქცევის საერთო წესების ყველა გამოვლენილ დარღვევაზე.
4. კოლეჯის პერსონალის ეთიკის დარღვევის აღმოჩენის შემთხვევაში განმცხადებელი მიმართავს კოლეჯის დირექტორს, რომელიც ქმნის ეთიკის კომისიას 5-7 წევრით. კომისია განიხილავს დაფიქსირებულ დარღვევას.
5. დარღვევის დადასტურების შემთხვევაში, დარღვევის სიმძიმის გათვალისწინებით, კოლეჯის მიერ გამოყენებული იქნება შინაგანაწესით გათვალისწინებული დისციპლინური სახდელი.

თავი IV. დასკვნითი ნაწილი

მუხლი 17. დასკვნითი დებულებები

1. პიროვნების პასუხისმგებლობა იზრდება ამ კოდექსის ნორმების განმეორებითი დარღვევის ან დისციპლინური გადაცდომის ხარისხის პროპორციულად.
2. კოლეჯის თანამშრომლების მიმართ დისციპლინური პასუხისმგებლობის ზომის შეფარდება ხდება დირექტორის ბრძანებით. მიღებული გადაწყვეტილება დაინტერესებულ პირს უნდა ეცნობოს წერილობით.

შპს მარნეულის სამედიცინო კოლეჯი